

VIDEMOJUSARA CATERA

Pávurubay mūchūveda

¹Ray Pávuru jiryatīy ravyichasara tanuvūnusi Jesucristu jiyadaju, Timuté vuta nañurya catera yimuju Videmó, jiryatīy rajemyicyu risa jvaañu daryaju day ji. ²Nañuy rijyūntiy vuryityamutuy Crístumu Ápiyajuy, nađyisa jvaañu Arquípu jarye, títaju jiryatīy rintyeryaniy Judenu siityarivay jiryorimyuyu. ³Samiy vichasada jiryeyu Vujye Judenumusiryá, Vuyntyityu Jesucristumusiryá jarye. Jiryecha samivye jijechimyu.

Videmóbay vatada jityuvachodamusiy

⁴⁻⁵Ričhanatyajayasarateni Rajye Rīndenu japichiy, ratyuchunumatīy sisa, rajechipityajaya variy ji, jiryatīy ratyuvachu jinchiy: Jivyatasara jaryiñi Vuyntyityu Jesús, sasiityarivajyuu jarye yisaju, ne piturya yivaayadamu dajyi, jiryatīy yivaayada Vuyntyityuju, sasiityarivajyuu cabyimu jarye. ⁶Rajechiñuy siva Judenura, jiryatīy vutyuvachu vatajuu simu, vuryadatya jaryivajura títaju jiryatīy vuryimutyara samiryá jmutyada Crístumu. ⁷Ričhanay jita, ravyanutyanyentiryē, Pi, jivyatadamusiy, jiryatīy yichanachodara rijechiy Judenu siityarivajyuu.

Pávurubay jachiñuyada siva Videmóbay, Onésimuyubay jiyadaju

⁸Ramuniday ne rachuvuryuy riva yipasada, yatidye jvaarya daryatīy rasutye yivaayada day. ⁹Dañuma jiryatīy ravyata jaryi ji, mitya rajechiñuy yiva nutyu Pávuru, Jesucristuju tuchū, jiryatīy tanuvūnusi sayadaju diye ray. ¹⁰Rajechiñuy yiva Onésimyu jiyadaju, nitīy radyenu Crístumu, jiryatīy satuvachu Crístumu ratyanuvūnusajomuntiy. ¹¹Tarundamu ne savichanuyada muchechiy siityera jiiyyu, diye jita sacha siityera jiiyyuntiy, nutyu savichatīy darya rajyuntidye. ¹²Ripa diye yimujuntiñi, daryanuma títajuntidyeñi nutyu ray daryantidye. ¹³Rañi jachipiyanuchiy samacho jiyu risaju, satidye jmutyá yibivaju ray, jiryatīy ravyicha tanuvūnusi jiyu samituchodiva. ¹⁴Dañumamuy ne rañi jvaatyaniryuy jiiyrya jiryatimyu ne jiñi jvaaryudyerya. Ravyata jita yajvaay jidyrya niryuyadamusiryá jiryatīy samiryá jvaayada darya. ¹⁵⁻¹⁶Temusiy savicha Onésimyu taji yajisiy taraquiju, satidye tarya tarijyu vichadaju yisajuntiy, ne nutyu vinu muchechiñuday, diye jita savicha vutyeryi jaryi vatasí Crístumu. Jaryi rañiruchinuma day, jaryi rayadaju niryuchivaju sacha jiiyyu, nutyu muchechiy, daryanuma nutyu jityeryi savicha Crístumuntidye.

¹⁷Ramusiy, jiryityi diy nūtyu yisā siityarīnu riva, yaḍirye samirya vichādata yimujūntiñi, nūtyu ray ntanuma jidyirye variñi. ¹⁸Sarupadodatiy taramu ji, varimiyata sadivyiyada tara ji, yābay racuentamura. ¹⁹Ray Pāvuru rañūy sītenu rajyomututara jirya niqejada raṭidye murichenu ji. Ne jivyāta rajachipityataniy ji jiryatiy jidyivyichara yinujeyajadata Crístumu ray. ²⁰Ramuniday, Pi, yaivaay Vuyntyityumu rajyura jiryatiy rajchanāchara rajechiy Crístumu.

²¹Radyetya jīta yatuvāchu rimu, jiryatiy yaivaarya ravyātara jiyadaju. ²²Jadchintyi yajdutyara rorichiy rajiju, rayntuy rajiju

daryaju sandyetya taryataniy Jūdenū jiryimujūntirye, jiryejechiñuyadiva.

**Samuchurveda Pāvurubay
samiryatani Videmóbay**

²³Samuchuvay Epájurasiy ji, jiryatiy risā tanuvūnusī Jesucrīstu jiyadajūni.

²⁴Daryaday rimyūchuvay Márcue-dantiy ji, Aristyárucu sisā, Démasiy jarye, Dúcasiy jaryentiy. Rivyichasara risā jvaavyemyi tītajū. ²⁵Sāvichaniy Vuyntyityū Jesucrīstu samiryani jiryīntu.

*Sayanuma
Pāvuru*